



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon

Tuig XXXIV No. 7

Mayo 7, 2003

www.philippinerevolution.org

Editorial

Labi nga pamatukan ang nagapasingki nga militarisasyon sa Mindoro kag iban nga lugar

Mabaskog nga ginakundenar sang Partido Komunista sang Pilipinas ang pagkuot kag pagpatay kanday Elaine "Eden" Marcellana kag Eddie Gumanoy sa Naujan, Oriental Mindoro samtang nagaimbestiga sa mga kaso sang pagpang-abuso sang 204th Bde.

Matingkad sini nga ginalaragway ang hayagan kag wala tupong nga kasingkion nga pag-

pamigos kag pagpanghalit tuga sang tuman kapintas nga militarisasyon sa Mindoro halin magpungko ang subong nga rehimen. Sanday Marcellana kag Gumanoy ang ika-31 kag ika-32 aktibista nga ginpatay sang mga tropa sang 204th Bde sa pagpamuno ni Col. Jovito Palparan.

Sadtong 2001, gindeklarar sang Malakanyang nga ang pagwasak sa Bag-ong Hangaway sang Banwa sa Mindoro isa ka "pungsodnon nga prayoridad" sa programa nga "co-
unter-insurgency" sang AFP. Todo ang supor-
ta nga ginahatag ni Macapagal-Arroyo sa mga kampanyang militar diri. Ugaling napaslawan ang pasistang AFP nga was-



Mga tampok sa isyu nga ini...

Pagpatay sa mga aktibista sa Mindoro
PAHINA 3

Davao City, laboratoryo sg pasismo
PAHINA 5

Mga hangkat sa kahublagan sg mamumugon
PAHINA 7


kon ang BHB sa isla bangud sa madalom nga suporta sang masa sini kag sa ila mataas nga militansya nga isulong ang ila rebolusyonaryong paghimakas. Dalayawon ang ginapakita nga kalig-on sang pumuluyo sa Mindoro nga padayon pamatukan ang militarisasyon didto.

Sa kapaslawan nga waskon ang BHB, ginatumod subong sang AFP ang ila baril sa pumuluyo. Hayagan ang pagginahum militar. Wala kaluoy ang pagsabwag sang terorismo sa kaumhan. Ang labing nagasingki nga militarisasyon kag pagpamintas sang militar sa Mindoro nagahalit sa ginatos-libo nga pumuluyo kag nagalapak sa ila interes kag kinamatarung. Partikular ginatum-ukan sang AFP ang mga ligal nga organisasyon agud pahipuson ang mga ini sa pursigido nga pagbuyagyang sa mga kaso sang pagpang-abuso militar.

Wala sang ginasanto nga layi ukon pagsulundan ang AFP sa desperadong kampanya sang pagtapna sini labi na nga lubos suportado ini sang Malakanyang. Duguon ang kamot sang berdugo nga si Palparan kag amo niyang si

Macapagal-Arroyo sang sibtan niya sang medal-ya kag gintaas ang ranggo bilang heneral.

Baliskad ang pamen-saron sang militar nga ila "mahubsan ang dagat nga ginanglanguyan sang isda." Laum nila nga mawasak ang panindugan sang masa sa paagi sang malaparan nga pagdeploy sang mga tropa militar, pagpaluntad sang layi militar didto kag pagsabwag sang kahadlok kag terorismo. Ginapakita sang kasaysayan nga samtang nagasingki ang militarisasyon, labi nga nagataas ang determinasyon sang pumuluyo nga magbatu. Labi man sini ginaathag sa pumuluyo ang kahustuhan, pagkamatarung kag pagkinahanglanon sang armadong rebolusyon. Samtang nagadamo ang biktima sang pagpang-abuso militar, labi man nagadamo ang



gusto mag-entra sa BHB. Ang pagpatay kanday Eden Marcellana kag Eddie Gumanoy patimaan sang labing pagsingki sang kampanya sang pagpamigos sang AFP. Sa pihak nga bahin, ginapukaw naman sini ang pumuluyong Pilipino nga pasanyugon ang kahublagang masa agud batuan kag waskon ang militarisasyon kag pasismo sa Mindoro kag sa iban pa nga lugar.

Padayon nga ginapabaskog kag ginakonsolida ang mga organisasyong masa sa kaumhan kag ginapataas ang militansya sang pumuluyo nga batuan ang militarisasyon kag pangapinan ang ila mga kinamatarung. Sa madamo nga lugar, maayo nga napangibabawan sang pumuluyo ang mga limitasyon bunga sang daku nga presensya sang kaaway. Nagpaka-maayo sila sa mga pamaagi nga tago sang paghulag agud ipreserba ang ila mga organisasyon, padayon nga konsolidahon ang mga ini kag padayon nga palaparon kag pabaskugon ang ila kubay.

Ang pagbaskog sang ligal nga demokratikong kahublagan sa kasyudaran kag sa kaumhan kinahanglanon gid agud epektibo pamatukan ang militarisasyon kag mga pagpang-abuso militar. Gina-kinaiyahan ini sang hugot nga pagbuligay kag koordinasyon sa nagkalain-lain nga lebel, sa tunga sang mga lokal nga organisasyon sa nagkalain-lain nga baryo, sa tunga sang mga organisasyong masa nga nakabase sa kaumhan kag sa kasyudaran kag sa tunga sang mga pungsodnon nga sentro kag mga lokal nga sanga.

Ginapatampok sa bug-os nga pungsod ang nagadamo nga kaso sang pagpang-abuso sa nagkalain-lain nga lugar agud mapahulag ang pinakamalapad nga posibleng numero sang



Tuig XXXIV No. 7 Mayo 7, 2003

Ang **Ang Bayan** ginabantala sa lengwahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa Philippine Revolution Web Central nga makit-an sa:

www.philippinerevolution.org.

Nagabaton ang Ang Bayan sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Malab-ot kami paagi sa e-mail sa: **angbayan@yahoo.com**

Kaundan

Editorial	1
Protesta batuk sa 204th Brigade	3
Davao, laboratoryo sg pasismo	5
Pagpanghalit sg pasistang estado	6
Ika-100 Mayo Uno sa pungsod	7
Mga paghulag sg Mayo 1	9
Pagkaubos sg mga propesyunal	9
Mga Koresponsal	
Kagurakan sg RPA-ABB	10
Roadmap" sg US sa Palestine	12
Balita	14

Ang **Ang Bayan** ginabantala duha ka beses kada bulan sang Komite Sentral sang Partido Komunista sang Pilipinas.

pumuluyo batuk sa mga ini. Malahalon man makigbuligay sa mga organisasyon sa luwas sang pungsod agud ihayag sa bilog nga kalibutan ang mga pagpang-abuso militar kag paglapas sa tawhanon nga kinamatarung.

Labaw sa tanan, kinahanglan dugang pabaskugon ang rebolusyonaryong armadong paghimakas sa bug-os nga pungsod. Ang pagsunson sang daku kag gamay nga taktikal nga opensiba sa nagkalain-lain nga bahin sang pungsod magasablag sa ikasarang sang kaaway nga madugayan konsentrahan ang ano man nga lugar kag magtuga

diri sang daku nga kahalitan kag labaw nga halitan ang pumuluyo.

Responsibilidad sang mga rebolusyonaryong armadong pwersa ang pagpatuman sang nagakaigo nga penalidad kay Col. Palparan kag iban pang buyong nga pasista nga utok sa pagpatay kanday Ka Eden, Ka Eddie kag madamo nga iban pa. Pareho sa ginapakita na sa nagtaliwan, determinado ang rebolusyonaryong hublag nga hatagan-katumanan ang hustisya nga ginasinggit sang pumuluyong Pilipino batuk sa pinakamapintas nga pasista nga may mabug-at nga krimen sa pumuluyo. ^{AB}

Pagpatay sa mga aktibista sa Mindoro

Lapnagon nga kaakig, lumupok batuk sa 204th Brigade

Sa atubang sang pagpatay kanday Elaine "Eden" Marcellana kag Eddie Gumanoy, duha ka aktibista nga nag-imbetiga sa mga kaso sang paglapas sa tawhanon nga kinamatarung sa Oriental Mindoro, nagkalain-lain nga sektor kag personahe ang nagpahayag sang kaakig sa 204th Brigade kag sa kumander sini nga si Col. Jovito Palparan.

Sining Abril 21, ginkuot sa Barangay Maibon, Naujan sanday Ka Eden, pangkabilugan nga sekretaryo sang Karapatan-Southern Tagalog, Ka Eddie Gumanoy, tagapamuno sang Katipunan ng mga Samahang Magbubukid sa Timog Katagalugan (KASAMA-TK) kag tatlo pa nila nga kaupdanan.

Nakit-an ang mga bangkay nanday Marcellana kag Gumanoy sa banwa sang Bansud. Pagkatapos ginpabudlayan, ang tatlo pa nila nga kaupdanan ginbayaan nga nakagapos sang armadong mga lalaki nga nakabonet sa banwa sang Bongabon.

Sanday Marcellana kag Gumanoy nagahimo sang isa ka *fact finding mission* angot sa mga kaso

sang paglapas sa tawhanon nga kinamatarung sa Barangay Buong Lupa, Gloria kag sa Pinamalayan.

Libu-libo nga pumuluyo ang nagdul-ong sa bangkay nanday Marcellana kag Gumanoy sa Mendiola sadtong Abril 26 bilang pagpakita nga ang makangingidlis nga krimen responsibilidad sang rehimeng Macapagal-Arroyo kag bilang pagkunderar sa ginahimo sini nga militarisasyon kag mga paglabas sa tawhanan nga kinamatarung sa Mindoro kag nagkalain-lain nga lugar sa Pilipinas.

Sa iya mensahe sa belasyon sang duha sa UP Chapel sadtong Abril 25, ginpahayag ni Gregorio "Ka Roger" Rosal ang mabaskog nga pagkunderar sang Partido Komunista sang Pilipinas kag Bag-ong Hangaway sang Banwa sa makahalanguyos kag makangi-



ngil-ad nga pagpatay kanday Ka Eden kag Ka Eddie.

Siling ni Ka Roger, "nakulbaan si Col. Palparan sa mga nagpangapin sa tawhanon nga kinamatarung nga bug-os kaisog



nga nagatindog kag nagabuyagyag sa mga sapatnon nga buhat kag pagpang-abuso sang militar."

Sa pagsaulog sang Aldaw Kordilyera sa Ilocos Sur sadtong Abril 24, ginkilala sang masobra 3,000 nga tumalambong ang kabaganihan nanday Ka Eden kag Ka Eddie. Ang pagtilipon ginpangunahan sang Cordillera People's Alliance. Ginkilala nila ang ginbuhat sanday Ka Eden kag Ka Eddie para sa interes sang mga Mangyan sa Mindoro nga pareho sang Kaigoroton nagahimakas man para sa mga kinamatarung sang mga pungsodnon nga minorya.

Nagpasidunggog man ang mga lider sang National Democratic Front of the Philippines. Suno kanday Kaupod Joema kag Julie Sison, sila "mga martir kag baganihan sang pumuluyong Pilipino." Gindugang pa nila nga "Sa wala kakapoy nga pagpalapad sang demokratikong hublag kag pagpakigbatu sa kaaway lamang naton sila matimalos kag matibong ang hustisya."

Makig-unong man ang Lucio de Guzman Command (LGC), kumand sang BHB sa isla sang Mindoro. "Ginapangako sang amon kumand nga indi mangin walay pulos ang

paghalad sang kabuhi nanday Eden kag Eddie sa duta sang Mindoro," pahayag ni Victor Rivero, tagapamaba sang LGC.

Sa mga pauna nga imbestigasyon nga ginhimo sang Karapatan kag partido nga Bayan Muna, napamatud-an ang mga suldado sang 204th Brigade amo ang naghimo sang pagkuot kag pagpatay kanday Marcellana kag Gumanoy. Bag-o sila kuoton kag patyon, mismo si Col. Johnny Gomez, kahimbon ni Palparan sa 204th Brigade, ang nagtawag sa meyor sang Gloria kag ginhambalan ini nga palakton ang mga katapu sang Karapatan nga nagahimo sang imbestigasyon. Nakilal-an man sang tatlo nga ginkuot si Aniano "Silver" Flores, isa nga kilala nga tinawo sang 204th Bde, nga wala magsuksok sang bonet sang gintortyur sila.

Ginahimutig sang mga imbestigasyon nga ini ang pahayag ni Col. Palparan nga mga grupong vigilante ang sa likod sang krimen.

Ginarekomendar sang grupo ni Rep. Satur Ocampo sang Bayan Muna ang "pagbalik sa baraks" sang 204th Brigade. Suno kay Ocampo, ang 204th Brigade ang sa likod sang pagpatay sa 27 pa nga mga aktibista lakip ang mga katapu kag upisyal sang Bayan Muna. Sa tunga sang malapad nga kaakig sa militar, napwersa ang pamunuan sang AFP nga kuhaon si Col. Palparan sa Mindoro. Ginsaylo siya sa 2nd Infantry Division sa Tanay, Rizal. Ang mga pagbista para sa kumpirmasyon sang iya pagka-heneral ginsuspendir man sang Senado. Ang promosyon ni Palparan sadtong nagtaliwan nga tuig nagapakita sa ginasakdag ni

Arroyo ang militarisasyon sa isla sang Mindoro.

Sa amo pa man, wala pagbag-o sa gawi sang 204th Brigade. Ang Officer-in-Charge sini nga si Col. Johnny Gomez pareho nga pasista kag wala duda nga kahimbon man ni Palparan sa pagpatay. Sadtong nagkadto ang *fact finding mission* sang Bayan Muna kag Karapatan agud kuhaon ang mga bangkay, hayagan sa atubang nga ginpahug sila ni Gomez nga "ubuson sila sang Special Forces."

Samtang, magahimo sang kaugalingon nga imbestigasyon ang Senado sa kaso sang pagpatay kanday Marcellana kag Gumanoy. Luwas pa ini sa ginahimo nga imbestigasyon sang *task force* sang Department of Justice at National Bureau of Investigation (DOJ-NBI).

Sa amo pa man, duda ang madamo nga maangkon ang hustisya sa idalom sang subong nga rehimen. Suno sa anak ni Gumanoy nga si Rose Ann, "Wala kami nagalaum nga mabuligan kami (ni Arroyo). Ang natabo sa amay ko amo man ang gusto niya nga matabo."



Suno kay Orly Marcellana, asawa ni Eden, "Mas gusto ko pa nga maghulat sa rebolusyonaryong hustisya pareho sa ginhimo kay Colonel Aguinaldo. Bisan pila ka dekada pa ako nga maghulat," dugang ni Ka Orly.

Sa paghingapos sang iya mensahe, ginapaabot ni Ka Roger, nga "nakahanda ang Bag-ong Hangaway sang Banwa nga ihatag kay Col. Palparan ang nagakaigo nga penalidad para sa tanan nga kasal-anan niya kag sang 204th Brigade sa pumuluyo sang Mindoro." AB

Davao City, laboratoryo sang pasistang plano



Ginahimo subong nga laboratoryo sang US kag rehimeng Macapagal-Arroyo ang Davao City sa pagpadihut sang senaryo sang "terrorismo" kag katimbang nga "kontrol" sa populasyon para tilawan ang mga epektibong pamaagi sang pagpamigos nga mahimo gamiton sa bug-os nga pungsod, kalakip na ang paghimo layi kag pagpatuman sang Anti-Terrorism Bill kag National ID System.

Umpisa nga ginpamunuan sang rehimeng Macapagal-Arroyo ang serye sang mga pagpangbomba kag pagpamaril sa hulugpaan, piyer, pati sa mga moske kag iban pa nga matawo nga lugar sa syudad sadtong Marso kag Abril nga ginkamatay sang 38 katawo kag ginkapilas sang masobra isa ka gatos pa, sunod-sunod na nga ginpatuman sa Davao City ang mga mapiguson nga tikang bilang pangontra kuno sa pagpangbomba. Sa bisperas sang pagpangbomba sa piyer sang Sasa, nagkadto sa Davao City si Col. Victor Corpuz, hepe sang intelligence sang AFP.

Gilayon pagkatapos sang mga

pagpangbomba, ginhugot ang seguridad sa syudad. Ginbutangan sang dugang nga mga pwersa nga pulis kag militar ang hulugpaan, dulungkaan kag iban pa nga matawong lugar. Gintambakan ang syudad sang dugang nga pwersa militar-duha ka batalyon sang Marines, isa Scout Ranger coy, isa Special Forces coy, mga regular nga kumpanya sang 701st Bde kag dugang pa nga mga pwersa halin sa Bohol kag Zamboanga. Ginbutangan sang hugot nga tsekpoynt ang mga dalan pasulod sa syudad kag ang mismo sentro sang syudad. Ginhimo nga kinaandan ang

pagpangapkap kag pagpangrekisa sang mga gamit nga wala mandamyento. Mas malaut pa, ginpaidalom ni Macapagal-Arroyo sa ginatawag nga "state of lawless violence" (ukon kalakasan nga wala sang ginakilala nga layi) indi lamang sa Davao City kundi sa bug-os nga Rehiyon 10 kag 11 agud himuon lehitimo ang mga mapiguson nga tikang nga ini. Sa gilayon, target sang pagpamigos ang MILF kag pumuluyong Moro nga ginapasibangdan subong sang rehimen nga amo ang naghimo sang mga pagpangbomba. Pagkadeklara pa lamang sang "state of lawless violence," gilayon nga ginkuot ang duha ka Moro sang mga lalaki nga nakabonet kag nakauniporme militar nga wala name patch. Tatlo pa ang ginkuot sa mga masunod nga adlaw. Ang mga ginkuot, nga gin-akusahan mga katapu sang Moro Islamic Liberation Front (MILF), nadula pa tubtub subong.

Sobra 50 na nga Moro nga sibilyan ang gin-aresto. Padayon ang pagsona sa mga komunidad sa Davao City kag pagmarka sa mga balay sang ginapagguwa nga may kaangtanan kuno sa MILF kag sa mga pagpangbomba.

Mga pamaagi ini para tilawan ang mga mas "pino" nga aplikasyon sa syudad sang kontra-rebolusyonaryong taktika nga malaparan kag mas singki ginasabwag subong sang mga pwersang militar sang gubyrno batuk sa pumuluyo sa kaumhan nga nagasuporta sa rebolusyonaryong kahublagan - ang "pagsag-a sang tubig para dakpon ang isda."

Target sang pungsodnon nga aplikasyon sang mga pamaagi sang pagpamigos nga ginalaboratoryo subong sa Davao City ang mga militante nga demokratikong organisasyon kag iban pa nga nagahimakas nga pumuluyo. AB



Nagasingki ang mga paglapas sa mga tawhanon nga kinamatarung

Ang pagtortur kag pagmasaker sa siyam ka sibilyan kag *hors de combat* sadtong Abril 16 sa Kananga, Leyte kag ang pagpatay sa duha ka aktibista nga sanday Elaine "Eden" Marcellana kag Eddie Gumanoy sadtong Abril 22 sa Naujan, Oriental Mindoro patimaan sang dugang nga pagsingki sang militarisasyon kag mga pagpang-abuso militar sa pungsod.

Ang nasambit nga mga pagpatay kasugpon lamang sa nagahaba nga listahan sang Amnesty International sang mga paglapas sa tawhanon nga kinamatarung umpisa pa nangin pangulo si Macapagal-Arroyo sadtong Enero 2001 tubtub 2003. Base sa listahan, may ara nga 172 biktima sang pagpatay, 127 biktima sang tortur, 879 katawo gin-aresto kag ginhunong, 9,219 biktima sang pagpangbomba kag pagpamaril, 11, 179 biktima sang pagsamad sang propyedad kag 17,564 biktima sang pwersahan nga pag-ebakwet.

Sa Timog Katagalugan naman, narekord sang Karapatan-ST ang 1,072 kaso sang paglapas sa tawhanon nga kinamatarung. Sa wala kaluoy nga pagpatay kanday Marcellana kag Gumanoy, nagaabot na sa 66 ang mga sibilyan nga gin-pangpatay sang mga pwersang militar kag paramilitar sa rehiyon. Trenta'y kwatro sa ila ang ginpatay sining ulihi nga duha ka tuig. Trenta sa mga kaso narekord sa Oriental Mindoro.

Suno naman sa Kapulungan Para sa Lupang Ninuno, isa ka pederasyon sang mga Mangyan, may ara na nga walo kaso sang paglapas sa tawhanon nga kinamatarung sang mga Mangyan, duha diri nga kaso sang pagpangsal-

beyds sining Marso.

Masunod ang pila sa pinatalupangdon nga kaso humalin Marso tubtub Abril 2003:

Abril 25. Namatay si William Masinid kag anak niya nga si Wilmore, duha ka tuig ang edad, sang paulanan sang mga bala ang ila balay sang mga elemento sang 8th Special Forces Battalion sa Barangay Mahan-ub, Baganga, Davao Oriental. Gindakup man ang anum nga sibilyan nga ginaakusahan nga mga gerilyang BHB, suno sa Karapatan-Mindanao.

Abril 16. Siyam katawo ang gintortur kag minasaker sa Sityo Mahayahay, Barangay San Isidro, Kananga, Leyte sang salakayon sang mga elemento sang 19th IB ang isa nga ginadudahan kampo sang BHB. Ang mga biktima amo sanday Eugenio Tazan, 54, tagapamuno sang San Isidro Small Farmers' Association; ang tatlo ka bulan nga nagabusong nga si Rowena Superior, 24, miembro sang Bagalungon Small Farmers' Association; Rey Corpin, 13, anak sang tesorero sang Alyansa sa Maguuma ug Mamumuo; Obet Quidlat, 16; Benjie Cabugoy, 17; Randy Potoy, 15; Teofilo Sumaya, Jr., 24; Jose Cosenillo; kag isa nga nagangalan Louie. Hayagan nga paglapas sa Protocol II aang



ginhimo nga pagpatay. Anum sa mga biktima mmga sibilyan, tatlo diri nga menor de edad. Ang tatlo iba pa nga Pulang hangaway nga *hors de combat*. Lunsay sa ulo ang tama sang pito sa mga biktima. Ginbakol sila sang matig-a nga bagay kag ginbuhusan sang nagabukal nga tubig antes patyon nga wala sang inugbato.

Abril 15. Ginsalakay sang 300 tropa sang Task Force Davao (gintingub nga pwersa sang Philippine Marines kag Special Forces sang Philippine Army) ang NHA Bangkal, Talomo, Davao City. Kabahin ini sang nagapadayon nga pagsona kag ilegal nga pagrekisa sa mga komunidad sang Muslim sa syudad humalin sadtong una nga simana sang Abril.

Ginkuot man si Muslimi Maro, residente sang Agdao District, Davao City. Pang-apat siya nga Muslim nga ginkuot sang mga armadong tawo, suno sa Bishops-Ulama League.

Abril 10. Ginpugo sang apat ka armadong tawo si Lajmar Jumdal, nga taga-Agdao man. Duha ka simana bag-o sini, pwersahan nga ginkuha sang armadong tawo sanday Datu Abdullah Sabdura Ala kag Ustadz Zulkifle Alimuddin.

Marso 31 kag 27. Separado nga ginkuot sang mga suldado ang mga Mangyan nga sanday Rizal Matri (Marso 27) kag hinablos niya nga si Dino Matri (Marso 31) sa Puerto Galera. Pareho na sila nga patay sang makit-an masunod nga adlaw.

Samtang, isa pang Mangyan, si Ricky Looy, ang ginbalita nga nadula. Ginahimo siya nga giya sa mga operasyon militar sang Philippine Army.

Marso 25. Gintublag ang mga nagapulaw sa bangkay ni Florencio "Ka Lerry" de Castro sa Barangay Tagbakin, Tiaong, Quezon. Ang

sundan sa "Nagasingki," pahina 7

Sa ika-100 tuig pagsaulog sang
Mayo Uno sa pungsod

Hangkat sa kahublagan sang mamumugon



Sang Mayo Uno, dumagsa sa kalsada ang linibo-libo nga mamumugon sa nagkalain-lain nga bahin sang pungsod agud liwat idemanda ang matarung nga pagtaas sa ila sweldo kag pangapinan ang ila mga kinamatarung. Kadungan sini, ginkundenar nila ang pag-ikog-ikog sang rehimeng Macapagal-Arroyo sa imperyalismong US kag ginpanawagan ang gilayon nga pagpahalin sini sa poder. Ginkundenar man sang mga mamumugon ang pagkatikalon sang US bilang solohanon nga *superpower* kag ang militarista nga pagpanalakay sini sa mga independyenteng pungsod kag kahublagan. Ginsaulog man nila ang ika-100 anyos nga Araw sang Pangabudlay sa Pilipinas.

Sa baylo nga pataason ang sweldo, nagtanyag ang rehimen sang magagmay nga benepisyo nga madugay na tani ginhatag sa mga mamumugon kag mga makailinsulto nga pakonswelo de bobo nga

nagpaakig sa ila sang husto.

Isa sa mga "benepisyo" nga ini ang promisa nga pagpanubo sa balayran sa kuryente. Ang matuod, madugay na nga ginamandu sang Korte Suprema nga iuli sang

Meralco ang sobra nga ginasukot sini sa mga konsyumer ssa nagtaliwan nga siyam ka tuig. Sa baylo nga gilayon ipatuman, nakigayuanay pa ang Malakanyang sa pamilyang Lopez nga nagapanagiya sang Meralco. Luwas diri, ang madugay na nga halambalanon sa *purchased power adjustment* (PPA) nga amo ang nagpadaku sang sukot sa kuryente, wala pa gihapon ginbasura sang rehimen.

Gilayon ginpalakpakan sang Employers' Confederation of the Philippines (ECOP) ang pagbalibad ni Macapagal-Arroyo nga

"Nagasingki," halin sa pahina 6

balay nga ginabelasyunan ginpalibutan sang duha ka hubon sang 5th Special Forces sang Philippine Army kag 26 ka tropa sang PNP nga nagapangita kuno sang mga Pulang hangaway. Bag-o sini, ginbawalan kag ginharas sang isa nga Colobel Isles sang PNP ang mga katapu sang Karapatan-ST nga magkuha sang litrato kag *video* sang bangkay ni Ka Lerry, nga namartir sa engkwentro batuk sa 1st IB sa Majayjay, Laguna sadtong Marso 20.

Marso 21. Tungang gab-i sa Sityo Pagturian, Barangay Galera, ginsulod kag ginbaluskay sang mga nakamaskara kag armadong tawo ang balay ni Francisco Rabano. Sang wala makit-an nga armas sa balay, ginpangluthang nila si Francisco kag utod niya nga si Mariano. Gintakawan man sila sang P25,000 kag mga propyedad. Pagkatapos sinunog ang ila balay

upod ang ila mga bangkay. Nakapalagyo ang asawa kag anak ni Francisco nga amo ang nakasaysay sa makangangidlis nga hitabo.

Marso 14 kag 19. Wala na liwat makita kag ginabilang nga mga "desaparecido" sanday Teodoro Manongsong kag Luis Aspeto, lunsay ginasuspetsahan sang militar nga mga Pulang hangaway, umpisa "ginpatawag" sila ni Col. Jovito Palparan sa kampo sang 204th Bde sa Puerto Galera. Si Manongsong ginpatawag sadtong Marso 14 kag si Aspeto sadtong Marso 19.

Marso 12. Ginkuot sa iya balay kag ginsalbeyds si Michael Santiago, residente sang Barangay Pulong Bayabas, San Rafael, Bulacan. Ginpagguwa sang militar nga katapu sang BHB si Santiago nga nakaengkwentro kuno nila samtang isa lamang siya nga barangay tanod nga wala sang ano man nga kaangtanan sa rebolusyonaryong hublag.

pataason ang sweldo. Gusto sang ECOP nga ipatuman ang mga polisiya nga labi pa nga magpasingki sa pagpanghimulos sa mga mamumugon, sa ngalan sang "produktibidad" kag "pagbangon sang ekonomya."

Indi basta nga mabaton sang mga mamumugon ang tuig-tuig nga balibad sang rehimen kag mga kapitalistang padrino sini nga ang mga mamumugon ang dapat mag-antos bangud dugmok ang ekonomya. Kulang katama sa ila basehan nga kinahanglanon ang ginabaton nila nga P250 sweldo kada adlaw. Suno mismo sa mga ahensya sang gubyerno, nagaabot sa P530 ang gasto kada adlaw sang isa ka anum katawo nga pamilya.

Padayon nga naga-us ang matuod nga balor sang sweldo sa atubang sang nagatimbuok nga presyo sang mga basehan nga kinahanglanon kag serbisyo. Bangud diri, dugang nangin makalu-loy ang kahimtangan sang mga mamumugon nga Pilipino, kadungan sang pagtibusok sang pangabuhian sang mamumugon nga Pilipino sa pangkabilugan. Sa sini, nagapabilin nga matarung, kag labi nga nangin gilayon, ang ginademanda sang mga mamumugon nga P125 pagtaas sang ila sweldo kada adlaw.

Tuig 2000 pa ang ulihi nagsaka sang gamay (P12-20 kada adlaw) sa sweldo kada sang mga mamumugon. Sadtong Nobyembre 2001, tigaylo nga pataason ang sweldo, ginmandu lamang sang rehimen Macapagal-Arroyo ang paghatag sang P30 bilang *emergency cost of living allowance* (ecola). Luwas sa insulto ini sa mga mamumugon, apat parte lamang sa mga mamumugon ang nakabaton bangud madamo nga kapitalista ang nagpamalibad maghatag sini.

Indi lamang ginpabay-an sang rehimen ang interes kag kaayuhan sang sahing mamumugon, direkta pa sini ginaatake ang ila mga kinamatarung kag ginaagaw ang naangkon nga mga benepisyo nga napadaog sa masobra isa ka tuig nila nga paghimakas.



Lapnagon ang kontrakwalisasyon, wala sang seguridad sa trabaho kag pagbungkag sang mga unyon. Wala renda ang pagpanalakay sa mga piketlayn kag paglapak sa mga kinamatarung sang mga nagwelga.

Ginaplano subong sang rehimen nga ikriminalisa ang militante nga unyonismo. Sadtong 2001, mismo si Macapagal-Arroyo ang nagbutang sa nagabatu nga mga mamumugon sa listahan sang mga "terorista." Sa pinakabag-o naman sini nga hagna "kontra-terorismo," mahimo arbitrario nga ideklarar mga "teroristang aksyon" ang ano man nga ululupod nga paghulag sang mga mamumugon sa sulod kag mangin sa guwa sang pabrika. Paagi sini, tuyo ni Macapagal-Arroyo nga tapnaon ang militante nga kahublagang

unyon nga padayon ginakundenar sa mga polisiya kag programa sang iya rehimen.

Dugang diri, gusto sang rehimen nga labi pa nga pabudlayon ang mga kontra-mamumugon nga prubisyon sang Labor Code ng Pilipinas agud labing magaayon ini sa imperyalistang globalisasyon. Kon maaprubahan ang mga dugang, mangin mas sistematiko ang pagpatuman sang mga polisiya sang barato kag pleksible nga pagtrabaho. Lakip sa mga ginaproponer nga pagbag-o ang mga masunod:

►Pagtalana sang mga pagtaas sang sweldo kada ika-anum ka tuig lamang kag labi pa nga rehiyunalisasyon sang pagtakda sini.

►Pagpahaba sang epektibidad sang mga *collective bargaining agreement* (CBA) sa anum ka tuig halin sa subong nga duha tubtub tatlo ka tuig.

►Dugang nga legalisasyon sang ukon ang pagpundo sang operasyon sang empresa ukon pabrika sa panahon sang welga ukon negosasyon agud sipaon sa trabaho ang mga welgista ukon piliton sila nga batunon ang ano man nga ginatanyag sang kapitalista.

►Regulasyon sang *labor-only contracting*, isa ka lapnagon nga gawi sang dalagku nga kumpanya pareho sang SM kon sa diin kadam-an sang mga mamumugon tubtub buhi nagapabilin nga kontraktwal. Indi man ginabilang nga kriminal ang *labor-only contracting*.

►Pagbantay kag pagpaniktik sa mga unyon kag organisasyon sang mamumugon, labi na sa ginahalinan sang mga pondo sini.

Ginaduso man sang mga kapitalistang padrino ni Macapagal-Arroyo ang napulo ka tuig nga pagbawal sang welga.

Linibo-libo nga mamumugon, dumagsa sa karsada sang Mayo 1

Natipon ang 20,000 mamumugon sa Liwasang Bonifacio sa Maynila sining Mayo 1, Pangkalibutanon nga Adlaw sang Pangabudlay. Gin-abangan naman sang mga pulis kag militar ang mga delegasyon halin sa Quezon kag Sto. Tomas, Batangas nga pakadto tani sa Maynila agud mag-entra sa aksyong masa.

Sa Pampanga, nagrali ang masobra 2,000 mamumugon halin sa mga pabrika sang Cosmos, Pepsi, San Miquel kag iban pa sa atubangan sang Clark Economic Zone batuk sa kontrakwalisasyon.

Ginpakamalaut naman sang 2,000 mamumugon halin sa *export processing zone* (EPZA) sa Cavite ang polisiya nga "no

union, no strike" sang EPZA. Ginatos-gatos nga mamumugon man ang naghulag sa Baguio City kag Naga City.

Sa Visayas, masobra 22,000 mamumugon kag empleyado sang gubyrno ang nagrali sa nagkalain-lain nga syudad. Tampok ang mga paghulag sa Tacloban (5,000), Iloilo (4,000), Bacolod (5,000) kag Cebu (3,000) nga nagademanda sang dugang nga sweldo kag nagakundenar sa ginapropuner nga mga hagna sa *labor code*.

Sa Davao, nag-abot sa 4,000 ang nagrali. Sa General Santos, masobra 4,000 mamumugon, kadam-an halin sa Dole Philip-

pines, ang nagtipon sa sentro sang syudad. Pila ka gatos naman ang nagrali sa Cagayan de Oro.

Sadtong Abril 28, ginpresentar na sang mga tiglawas sang Bayan Muna sa kongreso ang isa ka alternatibo nga hagna nga *labor code* nga kumprehensibo magasabat sa mga demanda sang mga maumugon.

Nagpanawagan man si Bayan Muna Rep. Liza Maza nga imbestigahan na sang kongreso ang lapnagon nga gawi sang kontrakwalisasyon sa dalagku nga kumpanya pareho sang SM. Padayon man nga ginaduso ni Bayan Muna Rep. Crispin Beltran ang hagna nga pagtaas sang P125 *across-the-board* sa kongreso. AB

Nagapangita sang kasulhayan sa pagpangabuhi

Napunpon padulong sa luwas-sang-pungsod ang mga Pilipino nga propesyunal bangud sa kawad-on sang nagakaigo nga empleyo sa sulod sang pungsod

Madasig nga nagadamo ang numero sang nagaluwas-sang-pungsod nga mga Pilipino nga propesyunal nga may mataas sang kahanasan (*highly skilled*). Nagtaas ang numero nila halin 25% sang kabilugan nga nagaluwas sang pungsod sadtong katung-anan sang dekada 1990 pakadto sa 31% sadtong 2000.

Kalakip diri ang mga nars, doktor, manunudlo, inhinyero, akawntant kag iban pa nga may mataas nga kahanasan. Kadam-an sa ila nagakadto sa US, Canada, United Kingdom kag iban nga pungsod sa Europe.

Kawad-on sang trabaho kag indi nagakaigo nga sweldo ang pangunahon nga kabangdan sang mga propesyunal nga nagluwas-sang-pungsod.



Suno sa datos sang reaksyunaryong gubyrerno sadtong Enero, 10.6% ang wala trabaho kag 16.1% naman ang kulang ang trabaho. Padayon pa ini nga ginadungangan bangud sa nagalala nga krisis sa ekonomya.

Palaron man nga makakita sang trabaho, tuman nga manubo ang sweldo nga ginabaton sang mga propesyunal. Halimbawa, nagaabot lamang sa P5,000 kada bulan ang kabilugan nga sweldo sang isa ka ordinaryo nga nars sa pungsod. Mas daku diri sang 43 ka pilo ang sweldo sang nars sa US (nagaabot sa P215,000) kag sang 17 pilo sa Canada (P85,000).

Labor export policy sang rehimen

Ginadumalahan sang gubyrerno ang nagaabot sa 200 rehistrado kag di-rehistrado nga mga *caregiver school* sa Kamaynilaan. Ang mga eskwelahan nga ini nagahanas sang mga naga-aplay bilang mga *caregiver* (tagatatap sang mga bata,

tigulang kag mga may balatian) sa iban nga pungsod.

Nagapatuman subong ang gubyrerno sang polisiya sang pag-eksport sang trabaho). Ginasaligan sang rehimen nga igasalbar sang madamo nga nagluwas-sang-pungsod nga mga mamumugon kag propesyunal ang dugmok nga ekonomya sang pungsod paagi sang pagdagsa sang mga remitans.

Sa subong, nagaabot na sa 10 milyones ang mga Pilipino nga nagatrabaho sa iban nga pungsod. Ginadugangan pa ini sang 2,700 kada adlaw. Suno National Statistical Office (NSO), halin Abril tuhtub Septyembre sang nagtaliwan nga tuig, nagaabot sa P67.7 bilyones ang remitans sang mga OCW. Mas mataas ini sang 18.3% sangsa pareho nga mga bulan sadtong 2001.

"Brain drain"

Bangud sa madamuan nga pagluwas-sang-pungsod sang mga

propesyunal, labi na sa medikal nga sektor, labi nga naglala ang daan na nga kakulangan sa mga doktor kag nars sa mga ospital.

Sigun sa Alliance of Health Workers (AHW), sa 11 ospital, nag-abot sa 800 ukon 17% sang mga nars ang nagluwas-sang-pungsod. Sa subong, suno sa reaksyunaryong gubyrerno, nagaabot na sa 300,000 ang mga rehistradong nars nga nagluwas-sang-pungsod.

Sa pihak sang tanan nga ni, nagapabungol-bungol gihapon ang rehimen sa paghimakas sang mga mamumugon sa pribado kag pangpubliko nga sektor para sa mas mataas nga sweldo kag mas maayo nga kundisyon sa pagtrabaho.

Sa isa ka katilingban nga wala ginatatap sang gubyrerno ang pumuluyo agud mabuhi sang disente kag mahimungayaon, nagakadapat lamang nga labing ipakig-away sang mga mamumugon kag mga propesyunal ang ila pangabuhian kag mga kinamatarung. AB

Kagarukan sang RPA-ABB, dugang nabuyagyag

Sadtong Nobyembre 2002, nagsurender sa Bag-ong Hangaway sang Banwa (BHB) sa Negros ang isa ka kumander sang gangster nga RPA-ABB, si Raul Villar alias Ka Drilon. Upod niya nga nagsurender ang duha pa niya nga tinawo. Nagsurender si Drilon bangud nahibal-an niya ginapapatay na siya sang pamunuan sang RPA-ABB bangud sa pagkundenar sa mga hilikuton gangster sini.

Kapot subong sang BHB sanday Drilon kag nagapaidalom sila sa proseso sang imbestigasyon kag maid-id nga reedukasyon kag rektipikasyon.

Kadungan sa pagsurender, nagpagguwa sang pahayag si Drilon nga nagapangayo sang pasaylo sa publiko nahanungod sa mga krimen nga nahimo niya kag sang iya yunit sadtong sa idalom pa sila sang RPA-ABB. Ginbuyagyag man niya ang mga krimen sang RPA-ABB partikular sa Negros Oriental.

Tampok sa mga krimen nga ginbuyagyag ni Ka Drilon ang ginhimo nga pagpangholdap sa isa ka bangko sa Maninihon, Bayawan City, Negros Oriental sadtong Mayo 8, 2002 nga ginpa-





munuan niya mismo. Suno kay Drilon, ginmandu sa ila ni Rey Mallari, pinuno sang "regional command" sang RPA-ABB, ang pagpangholdap agud makakuha sang pondo nga panggasto para sa mga yunit sang RPA-ABB, mga prente nga organisasyon nila kag mga pamilya. Ginamanduan sila mangholdap para may mapakaon sila sa ila mga pamilya, hambal ni Drilon, samtang maluhu ang pagpangabuhì sang pamunuan sang RPA-ABB.

Napatay sa nasambit nga holdap ang apat ka empleyado sang bangko kag nakuha ang P123,000 pondo sang banwa sang Sta. Catalina. Gingamit nanday Ka Drilon sa pagpangholdap ang mga armas nga gin-isyu sa ila sang mga upisyal sang PNP kag AFP.

Dugang diri, siling ni Drilon, nagahimo man sang masunod nga kriminal kag teroristang aktibidad ang mga yunit sang RPA-ABB sa idalom sang direktang pagpamuno nanday Lualhati Carapali kag Rey Mallari:

►Pagpangbomba sa *oil depot* sa Pandacan, Manila

►Pagpangbomba sa *oil depot* sa Amlan, Negros Oriental

►Pagpamahug sa Universal Robina Sugar Milling Company sa Negros Oriental, kag pagpangilkil sang pila ka milyon halin diri

►Pagpaniplang kag pagpangilkil sa mga kilala nga personalidad sa Negros Oriental. Kalakip diri ang mga pulitiko nga ginapangayuan sang bulanan nga kantidad para kuno sa mga organisasyong masa pero nagakadto lamang sa pamunuan sang RPA-ABB; mga agalon nga mayduta nga ginapangayuan sang kwarta kon indi man parte sang duta kabaylo sang pagtahaw sang mga lehitimong demanda kag rek-lamo sang masa batuk sa ila;

►Pagremedyo halin sa mga *druglord*

►Pagtukod sang duha ka likum nga grupo para sa pagpangilkil, gangsterismo kag pagsabwag sang kahadlok sa publiko. Ang isa sini ang pagpangholdap sa Bayawan City. Ang isa pa amo ang ginamunuan sang isa ka alias "Rendo" nga ginamanduan mangilkil sa Siaton, Negros Oriental.

Lubos ang paghinulsol, pagkunderar sa mga napasakupan nga krimen, kag pagsaway-sa-kaugalingon nanday Drilon kag iya mga kaupdan sa grupo sa ginhimo nila nga krimen. Ginapahayag nila ang ila kahandaan magpaidalom sa anuman nga proseso agud mahatagan-hustisya ang tanan nila nga nabiktima.

Kadungan sini, nagpanawagan si Ka Drilon sa nabilin niya nga kaupdan sa mga yunit sang RPA-ABB nga sikwayon ang gangsterismo kag pasabton sanday Carapali kag Mallari sa tanan nga krimen nila sa pumuluyo kag sa kapareho nila nga katapu sang RPA-ABB. Ginaengganyo niya ang mga miembro sini nga gilayon maghalin sa grupo kag magbalik sa tama nga dalan sang pag-alagad sa masa kag rebolusyon. Aktibo man nga nagabulig si Drilon sa pagbawi sang mga erya kag yunit sang BHB nga ginlihìs kag ginagamit sang mga kontra-rebolusyonaryong traidor sa Negros Oriental humalin pa sadtong temprano nga bahin sang dekada 1990.

Sa paghalin ni Drilon sa RPA-ABB, dugang nga nabuyagyag ang kagarukan kag korapsyon sang RPA-ABB sa Negros Oriental. Siling ni Drilon, aktibo nga nakighimunanay ang pamunuan sang RPA-ABB, labi na si Rey Mallari, sa mga reaksyunaryong pulitiko sa Negros. Sa partikular, nagabaton sang

bulanan nga alawans si Mallari kag si Jake Roxas, isa pa ka kumander sang RPA-ABB, halin sa pondo pang-intelligence ni Gov. George Arnaiz sang Negros Oriental. Luwas pa diri, nagabaton man sang P4,000 kada bulan si Mallari halin sa Department of Public Works and Highways.

Mas malaut pa, nakighimbunay man sanday Carapali kag Mallari sa militar kag pulis agud dakpon kag isalbyeds ang mga miembro sang RPA-ABB nga nagakabuyagyag sa mga hilikuton kriminal, labi na ang nagasugod magkwestyon sa ila pamaagi. Pagkatapos sini, ginakolekta sang



mga traidor ang pondo nga ginapatong sang militar kag rehimen sa ulo sang gintudlo nila nga kaupdan. Amo kunta ang

nadangtan ni Drilon kon wala siya maghalin sa RPA-ABB.

Halos kumpleto na ang integrasyon sang mga yunit sang RPA-ABB sa reaksyunaryong militar. Sining Pebrero, gin-aprubahan na ni Macapagal-Arroyo ang paghupot sang RPA-ABB sang 100 armas sandig sa "pinal nga kasugtanan pangkalinungan" nga ginpirmahan sang guberno kag sang pamunuan sang RPA-ABB nga sanday Arturo Tabara kag Nilo de la Cruz sadtong Pebrero 27, 2002. Sa kasugtanan nga ini, lubos nga ginbuyagyag nanday Tabara kag de la Cruz ang ila kagalingon bilang mga bayaran nga elemento sang reaksyunaryong guberno kag pormal nga nagsimpon ang ila mga operasyon sa PNP kag AFP batuk sa BHB kag rebolusyonaryong kahublagan sa Panay kag Negros.

AB



Tugalbong

Paagi sa ginatawag sini nga "roadmap" padulong sa kahilwayan, gusto ilikaw sang US ang paghimakas sang Palestino kag dugang palig-unon ang kontrol sa Middle East

Indi lang pila ka beses nga "nagpatunga" ang US sa Palestine kag Israel, ugaling imbes malubad labi lamang nga nagsingki ang masobra tunga sa siglo na nga inaway. Napaslawan ang tanan nga nagligad nga inisyatiba sang US bangud wala sini ginalubad ang pinakaugat sang problema-ang pagpanakup kag agresyon sang Israel kag Palestine.

Wala sa moral nga panindugan ang US agud magtindog nga tagapatunga sa inaway. Indi lipod sa ihibalo sang mga Palestino nga ginasuportahan sang US ang Israel. Tanan nga nagligad nga "plano pangkalinungan" nga ginpresentar sang US ayon sa interes sang mananakup. Sa tanan nga tikang sini, solo nga ginatuyo sang US nga paluhuron ang Palestine kag pat-uron ang seguridad kag preserbasyon sang Israel, ang pinakaestrategiko nga alaydo sini sa Middle East.

Sining ulihi wala sing pagtinguha ang US nga taguon pa ang pagdampig nila sa Israel. Sang nagtaliwan nga tuig, nagpasar ang kongreso sang US sang layi nga nagakilala sa dakbanwa sang Jerusalem bilang kabisera sang Israel, sa pihak nga isa ini sa pinakayabi nga mga halambalanon nga ginaawayan kag nangin bangdan sang pagkapaslaw sang negosasyon sadtong 2000. Sa subong naman, nagtalana ang US sang nagaabot sa \$55 bilyon nga ayuda sa Israel. Sang wala madayon ang ginalauman nga "pinal nga kasugtanan" sadtong

Septyembre 2000, labi nga bumwelo ang mapintas nga pagpanakup sang Israel sa mga teritoryo sang Palestine. Sa pihak nga bahin, lumupok liwat ang *intifada* ukon pag-alsa sang mga Palestino. Sa atubang sang naga-pataas nga armadong pagbatu sang mga Palestino, naglunsar ang Israel sang serye sang todo-todo nga mga atake kag nanakup sang madamo pa nga lugar sa teritoryo nga Palestino. Naghimbunanay ang US kag Israel sa pagtinguha nga lupigon ang pagpamuno ni Yasser Arafat sa Palestinian National Authority (PNA), ang prubisyunal nga gubyerno sang Palestine. Linibo-libo ang namatay sa mga kalakasan nga ini, kadam-an mga sibilyan nga Palestino nga minasaker sang Israeli Defense Forces.

Ginakundenar sang US bilang terorismo ang lehitimo kag makatarungan nga armadong pagbatu sang mga Palestino para sa ila kaugalingon-nga-pagginahum, samtang ni ha ni ho wala ini sang mahambal batuk sa ekspansyunismo kag pagpanglupig sang Israel sa Palestine.



Ang "roadmap" sang US

Isa naman ka panibag-o nga "plano pangkalinungan" ang ginapadihut subong sang US para sa inaway Palestino-Israeli. Labaw sangsa una, pwersado subong ang US nga pangitaan sang solusyon ang kinagamu bangud nagapangul-ba ini sa pagtaas sang mga sentimyentong anti-US sa Middle East bunga sang pagpanakup sini sa Iraq. Nagalaum ang US nga kon malubad ang inaway Palestino-Israeli, magatahaw ang kaakig sang mga Arabo kag mangin mas paborable ang sitwasyon para sa mga imperyalistang interes sa rehiyon.

Ang bag-o nga plano nga ginatawag "roadmap" ukon mapa sang dalan padulong sa kalinungan sa Palestine. Ginguyod sang US ang United Nations, European Union kag Russia kag gintukod ang ginatawag Quartet (grupo sang apat) agud igapinal kag

Ginapakita lamang sang mga ini nga indi madula ang mabaskog nga kaakig kag indi mag-untat ang armadong pagbatu sang mga Palestino mientras indi mapalayas ang Israel kag indi matukod ang tunay nga hilway nga estado sang Palestine.

pahamuton ang "roadmap" kag gamiton ang mga ini sa pag-engganyo kag pagpresyur sa Palestine.

Pareho sang nagtaliwan nga padihut sang US, banggian ang solusyon nga ginapresentar sang ginapabugal nga "roadmap." Ginabutangan sini sang mabug-at katama nga kundisyon ang pagkilala kag pagtukod sang hilway nga estado sang Palestine. Una sa tanan, dapat kuno nga untaton sang mga Palestino ang mga armadong pag-atake kag tapnaon ang tanan nga armadong grupo nga yara sa taludtod sang paghimakas sang pumuluyong Palestino. Ginapagguwa sini nga ang kalakasan sang Israel pagpa-ngapin lamang sa kaugalingon. Maangkon lamang kuno sang Palestine ang kalinungan kag kahilwayan kon untaton sini ang armadong paghimakas.

Para diri, dapat kuno tukuron ang isa ka bag-o nga gubjernong Palestino nga desaysibo magtapna sa mga "terorista." Gusto sang US nga kuhaan sang gahum si Arafat bangud nagapamalibad siya nga tapnaon ang mga militante nga armadong grupo pareho sang sang Hamas kag Islamic Jihad. Luwas diri, gusto sang US nga utdon ang suporta nga ginabaton sang mga militanteng grupo halin sa PNA.

Pagkatapos ang pila ka simana nga pagpanglubag sang US kag

Quartet, gin-aprubahan sang parlamentong Palestino ang bagong gubyrno nga ginapamunuan ni Mahmoud Abbas bilang prime minister.

Ginasuportahan sang US ang pagpili kay Abbas, amo man kay Mohammed Dahlan bilang espesyal nga ministro para sa mga halambalanon pangseguridad, bangud nagapabutyag sila sang kahandaan nga disarmahan ang mga armadong militante para hatagan-dalan ang "roadmap."

Ginbasbasan ni Arafat ang pagpili kaday Abbas kag iban pa sa bag-o nga kabinete sang PNA bisan nga napilitan siya sa pagnombrar kay Dahlan. Sa amo pa man, nagapabilin gihapon si Arafat bilang pangulo sang PNA kag desaysibo gihapon siya sa paghimo



sang mga basehan nga polisiya kag desisyon sang PNA.

Pat-ud nga kapaslawan

Pila ka oras lamang matapos aprubahan ang bag-o nga gubyrno, isa ka Palestino nga suicide bomber ang nagpalupok sang bomba sa syudad sang Tel Aviv, kabisera sang Israel. Tatlo ang namatay kag mas o menos 40 ang napilsan sa insidente.

Gin-ako sang mga militanteng grupo sang Hamas kag Al Aqsa Martyrs' Brigades ang pagpalupok. Siling nila, indi sila magbuhi sang armas tubtub wala sang nalatag nga solusyon sa inaway. "Atakehon namon ang Zionista nga kaaway sa tanan nga bahin sang Palestine tubtub matapos ang pagpanakup," dugang pa sang tagapamaba sang Hamas.

Direkta nga ginbalibaran sang Hamas ang "roadmap" sang US. "Isa ini ka plano para likidahon ang kawsa sang Palestino," siling sang lider sini nga si Sheik Ahmed Yassin.

Ginapakita lamang sang mga ini nga indi madula ang mabaskog nga kaakig kag indi mag-untat ang armadong pagbatu sang mga Palestino mientras indi mapalayas ang Israel kag indi matukod ang tunay nga hilway nga estado sang Palestine. Sigurado padayon nga tay-ugon sang armado kag diarmadong pagbatu sang mga Palestino kag tanan nga pumuluyong Arabo ang himbunanay US-Israel kag ang imperyalistang pagginahum sa Middle East. Ang dalan padulong sa kalinungan sang Palestine kag sa bilog nga rehiyon sobra pa nga mas magamu sangsa ano man nga "roadmap nga ilatag sang mga imperyalista. AB

Ika-30 anibersaryo sang NDFP, gindumdum

EKSAKTO 30 anyos sadtong Abril 24 sang mabilog ang 10-Punto nga Programa sang National Democratic Front (NDF), nga nagpatunda sa pagkabun-ag sang rebolusyonaryong alyansa. Gindumdom ini sang mga kaupod kag alyado sa Pilipinas kag Europe paagi sa isa ka kilat nga rali sadtong Abril 23 sa Maynila, porum kag *photo exhibit* sadtong Abril 24 sa University of the Philippines-Diliman, kag sinalu-salo sa Utrecht, The Netherlands.

Masobra 60 katapu sang mga tago nga rebolusyonaryo nga organisasyong masa ang nag-upod sa kilat nga rali sa Avenida. Samtang nagamartsa, ginawagay-way ang mga bandera sang NDFP, Partido Komunista sang Pilipinas (PKP), Bag-ong Hangaway sang Banwa (BHB), Makabayang Samahang Pangkalusugan (MSP), Christians for National Liberation (CNL), Revolutionary Council of Trade Unions (RCTU), Katipunan ng mga Gurong Makabayan (KGM), Kabataang Makabayan (KM), Makabayang Kilusan ng Bagong Kababaihan (Makibaka), Liga ng Agham para sa Bayan (LAB) kag

Makabayang Kawaning Pilipino (MKP).

Gintampukan naman ang porum sa UP sang patawag sa telepono ni Gregorio "Ka Roger" Rosal, tagapamaba sang PKP, agud tamyawon ang mga kaupod sa anibersaryo sang NDFP. Nagasigabong nga palakpakan ang ginhatag kay Ka Roger sang masobra 300 nga tumalambong sa porum. Sa iya pahayag, ginlaragway ni Ka Roger ang NDFP bilang isa ka "di maguba nga pader sang paghimakas sang pumuluyong Pilipino."

Ginbasa man sa pagtilipon ang pahayag sang Pungsodnon nga Komiteng Tagapatuman sang NDFP, mga alyado nga organisasyon sini, kag ila nanday Kaupod Jose Ma. Sison kag Luis Jalandoni.

Samtang, ginapakita sa isa ka *photo exhibit* kon ano ang mga katuyuan sang NDFP kag ang nagkalain-lain nga patag sang rebolusyonaryong hilikuton, humalin sa hilikuton militar tubtub sa hilikuton internasyunal kag diplomasya. Nagpagguwa man sang isa ka presentasyon nga *multimedia* bahin sa 12-Punto nga Programa sang NDFP.

Ika-185 kaadlawan ni Karl Marx, ginkalipay

"Kon wala sang rebolusyonaryong teorya, wala sang rebolusyonaryong kahublagagan," pagpanamyaw ni Prof. Jose Ma. Sison sa mga nagtipon nga mga pamatan-on kag manunudlo sining Mayo 5 sa pagsaulog sang ika-185 anibersaryo sang pagkabun-ag sang dungganon nga komunistang manunudlo nga si Karl Marx.

"Ang pinakamalahalon nga instrumento para sa isa ka rebolusyonaryong kahublagagan agud may isa ka mapag-on nga pundasyon amo ang mga kadre nga may kumprehensibo kag madalom mga kaalaman sa rebolusyonaryong ideolohiya sang sahing proletaryo..." suno pa kay Prof. Sison. Siling niya, ang nagapadayon nga pagtuon sa Marxismo-Leninismo ang magapanday sa mga aktibista agud mangin lubos nga mga kadre.

Dugang pa ni Sison, "nagakadapat tukuron ang mga sirkulo sang pagtuon kag padamuon ang mga kadre nga may malig-on nga kaalaman sa Marxismo-Leninismo." Sa sini nga paagi, mapat-ud ang konsolidasyon sang malapad nga kahublagang masa padulong sa husto direksyon sang rebolusyon.


Demonstrasyon nga anti-US sa Iraq, ginpangbaril sang mga tropang Amerikano

Sining Mayo 2, gindeklarar ni President Bush sang US nga "tapos na ang gera" sa Iraq kag, salamat kuno sa mga tropang Amerikano, "ginakalipay sang pumuluyo ang pagpanumbalik sang kalinungan kag demokrasya" didto. Malayo ini katama sa nagakalatabo. Nagaluntad sa Iraq subong ang kinagamu kag krisis sa pangabuhian. Wala tubig, kuryente kag pagkaon sa mga syudad, lapnagon ang kriminalidad kag wala sang layi, kag nagahana nga maglupok ang maduguon nga kumprontasyon sang mga nabilin nga tropang Amerikano kag pumuluyo nga Iraqi nga akig sa pagpanakup sang US.

Nagaabot sa 13 Iraqi, lakip ang pila ka bata nga pito tubtub 10 tuig, ang namatay kag pila ka pulo ang napilasan sang ginpangluthang sang mga tropang Amerikano ang mga demonstrasyon sadtong Abril 28 kag 30 sa banwa sang Falluja. Ginademanda sang mga demonstrador ang paghalin sang mga tropang Amerikano sa iskwelahan nga ginagamit nga baraks sang mga suldado.

Indi lang ini ang una nga hitabo nga gingamitan sang mga tropang Amerikano sang kalakasan ang mga demonstrasyon. Sadtong temprano nga bahin sang Abril, masobra 10 Iraqi nga nagrali sa Mosul ang ginpatay sang mga tropang Amerikano.

Samtang padayon nga nagalapad ang mga demonstrasyon batuk sa US sa nagkalain-lain nga banwa sa Iraq, indi mapahamtang ang okupasyon sang US sa pungsod. Tapos na kuno ang gera, pero magaabot sa tatlo tubtub apat ka libo nga dugang nga tropang Amerikano ang plano nga igabutang sa Baghdad.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon

Tuig XXXIV No. 3

Marso 7, 2003

www.philippinerevolution.org

Editorial

Labi nga pamatukan ang nagapasingki nga militarisasyon sa Mindoro kag iban nga lugar

Mabaskog nga ginakundenar sang Partido Komunista sang Pilipinas ang pagkuot kag pagpatay kanday Elaine "Eden" Marcellana kag Eddie Gumanoy sa Naujan, Oriental Mindoro samtang nagaimbestiga sa mga kaso sang pagpang-abuso sang 204th Bde.

Matingkad sini nga ginalaragway ang hayagan kag wala tupong nga kasingkion nga pag-

pamigos kag pagpanghalit tuga sang tuman kapintas nga militarisasyon sa Mindoro halin magpungko ang subong nga rehimen. Sanday Marcellana kag Gumanoy ang ika-31 kag ika-32 aktibista nga ginpatay sang mga tropa sang 204th Bde sa pagpamuno ni Col. Jovito Palparan.

Sadtong 2001, gindeklarar sang Malakanyang nga ang pagwasak sa Bag-ong Hangaway sang Banwa sa Mindoro isa ka "pungsodnon nga prayoridad" sa programa nga "counter-insurgency" sang AFP. Todo ang supor-ta nga ginahatag ni Macapagal-Arroyo sa mga kampanyang militar diri. Ugaling napaslawan ang pasistang AFP nga was



Mga tampok sa isyung ito...

Pagpaslang sa mga aktibista sa Mindoro

PAHINA 3

Davao City, laboratoryo ng pasismo

PAHINA 5

Mga hamon sa kilusang manggagawa

PAHINA 7